

摛藻堂四庫全書薈要

史部

欽定四庫全書叢要

史部

金史卷三十九至四十一



詳校官原任侍講臣王恭繙

欽定四庫全書 舊要卷六千二百八十一

金史卷三十九

元中書右丞相總裁托克托等修

二十



樂上

雅樂

散樂

鼓吹樂

本朝樂曲

郊祀樂歌

傳曰王者功成作樂治定制禮豈二帝三王之彌文哉
蓋有天下者將一軌度正民俗合人神和上下舍禮樂
何以焉金初得宋始有金石之樂然而未盡其美也及

乎大定明昌之際日修月葺燦然大備其隸太常者即
郊廟祀享大宴大朝會宮縣二舞是也隸教坊者則有
銚歌鼓吹天子行幸鹵簿導引之樂也有散樂有渤海
樂有本國舊音世宗嘗寫其意度為雅曲史錄其一其
俚者弗載云

雅樂凡大祀中祀天子受冊寶御樓肆赦受外國使賀
則用之初太宗取汴得宋之儀章鐘磬樂簾挈之以歸
皇統元年熙宗加尊號始就用宋樂有司以鐘磬刻晟

字者犯太宗諱皆以黃紙封之大定十四年太常始議
歷代之樂各自為名今郊廟社稷所用宋樂器犯廟諱
宜皆刮去更為製名於是命禮部學士院太常寺撰名
乃取大樂與天地同和之義名之曰大和文武二舞皇
統年間定文舞曰仁豐道洽之舞武舞曰功成治定之
舞貞元儀又改文舞曰保大定功之舞武舞曰萬國來
同之舞大定十一年又有四海會同之舞於是一代之
制始備明昌五年詔用唐宋故事置所講議禮樂有司

謂雅樂自周漢以來止存大法魏晉而後更造律度訖無定論至後周保定中得古玉斗於地中以造尺律其後牛弘以為不可止用蘇綽鐵尺至隋亦用之唐興因隋樂不改及黃巢之亂樂縣散失太常博士殷盈孫以周法鑄鑄鐘編鐘處士蕭承訓等校石磬合而奏之至周顯德以恭定律議者謂比唐樂高五律宋初亦用王朴所制樂時和峴以周顯德律音近哀思乃依西京銅望臬石尺重造十二管取聲下王朴一律景祐初李照

取黍粟尺成律以其聲猶高更用太府布帛尺遂下太常樂三律皇祐中阮逸胡瑗改造上下一律或謂其聲弇鬱不和依舊用王朴樂元豐間楊傑參用李照鐘磬加四清聲下王朴樂二律以為新樂元祐間范鎮又造成新律下李照樂一律而未用至崇寧間魏漢津以范鎮知舊樂之高無法以下之乃以時君指節為尺其所造鐘磬即今所用樂是也然以王朴所制聲高屢命改作

李照以太府尺制律人習舊聽疑于太重其後范鎮等

論樂復用李照所用太府尺即周隋所用鐵尺牛弘等以為近古合宜者也今取見有樂以唐初開元錢校其分寸亦同則漢津所用指尺殆與周隋唐所用之尺同矣漢津用李照范鎮之說而耻同之故用時君指節為尺使衆人不敢輕議其尺雖為詭說其制乃與古同而清濁高下皆適中非出於法數之外私意妄為者也蓋今之鐘磬雖崇寧之所製亦周隋唐之樂也閱今所用樂津聲調和平無太高太下之失可以久用唯辰鐘辰

磬自昔數缺宜補鑄辰鐘十五辰磬二十一通舊各為二十四簴上曰嘗觀宋人論樂以為律主于人聲不當泥於其器要之在聲和而已於是命禮部符下南京取宋舊工更鑄辰鐘十有二又以舊鐘姑洗夷則皆高五律無射高二律別鑄以補之乃協又琢辰磬各十有二以其半少劣擇其諧者而用之初正隆間海陵營太廟于汴貞祐南遷宣宗修之以祔諸帝神主其地故宋景靈宮之趾也掘其下得編鐘十三編磬八皆刻大晟字

時朝廷多故禮器散亡竟亦不能備也大定十一年太常議按唐會要舊制南北郊宮縣用二十架周漢魏晉宋齊六朝及唐開元宋開寶禮其數皆同宋會要用三十六架五禮新儀用四十八架其數多似乎太侈今擬太常因革禮天子宫縣之樂三十六簴宗廟與殿庭同郊丘則二十簴宜用宮縣二十架登歌編鐘編磬各一簴又按周禮太司樂凡樂圜鐘為宮黃鐘為角太簇為徵姑洗為羽雷鼓雷鼗狐竹之管雲和之瑟雲門之舞

冬至日至地上之圜丘奏之若樂六變則天神皆降可得而禮矣六變謂六成也唐宋因之蓋圜鐘夾鐘也用為宮者以上應房心有天帝明堂之象也宮聲三奏角徵羽各一奏合陽之奇數欲神聽之也凡樂起于陽至少陰而止圜鐘自卯至申其數有六故六變而樂止則天神皆降可得而禮也樂曲之名唐以和宋以安本朝定樂曲以寧為名今止有太廟祫享樂曲而郊祀樂曲未備皇統九年拜天用乾寧之曲今圜丘降神固可就

用今太廟祫享皇帝升降行止奏昌寧之曲迎俎奏豐寧之曲酌獻舞出入奏肅寧之曲飲福奏福寧之曲宋開寶禮亦可就用餘有郊祀曲名皇帝入中壇奠玉幣迎俎酌獻舞出入樂曲宜皆以寧字製名遂命學士院撰焉皇帝入中壇奏昌寧之曲降神送神奏乾寧之曲昊天上帝奏洪寧之曲皇地祇奏坤寧之曲配位奏永寧之曲飲福奏福寧之曲升降望燎出入大小次並與入中壇同餘載儀注及樂章又命太常議文武二舞所

當先後太常議按唐宋郊廟之禮並先文後武本朝自行禘祫之禮亦然惟唐韋萬石建議謂先儒相傳以揖讓得天下則先奏文以征伐得天下則先奏武當時雖從尋復改之其以開元禮先文後武為定方丘如圜丘之儀社稷則用登歌

宗廟皇帝入門宮縣以無射宮升殿登歌以夾鐘皆奏昌寧之曲迎神送神奏來寧之曲九成天德二年晨裸畢還小次方奏迎神曲大定十一年朝享奏依開元開

寶禮至版位即奏黃鐘宮三大呂角二太簇徵二應鐘
羽二曲詞皆同進俎奏豐寧之曲酌獻宮縣奏無射大
元之曲諸室之曲德帝曰大熙安帝曰大安獻帝曰大
昭昭祖曰大成景祖曰大昌世祖曰大武肅宗曰大明
穆宗曰大章康宗曰大康太祖曰大定太宗曰大惠熙
宗曰大同睿宗曰大和昭德皇后廟曰儀坤世宗曰大
鈞顯宗曰大寧章宗曰大隆宣宗曰大慶皇帝還版位
及亞終獻皆奏無射宮肅寧之曲飲福登歌奏夾鐘宮

福寧之曲徹豆奏豐寧之曲皆用無射宮大定十二年
制祫禘時享有司攝事初獻盥洗奏無射宮肅寧之曲
升階登歌奏夾鐘宮嘉寧之曲餘並與親享同其別廟
聖德皇后宣孝太子所用並載儀注樂章舊制太廟皇
考廟樂工各三十九人大定二十九年升祔顯宗有司
以為宋之太廟別廟堂上樂各四十八人今之樂工少
十八人擬令皇考廟舊樂工皆充兩廟堂上樂以應前
代九十六人之數尚書省議古樂工無定數遂奏太廟

別廟通以百人為定明昌六年初設宮縣樂工一百五十六人承安三年勅祭廟用教坊奏古樂非禮也其自今召百姓材美者給以食直教閱以待用泰和元年命宮縣樂工月給錢粟二貫石遇正樂工闕驗色收補四年尚書省奏宮縣樂工總用二百五十六人而舊所設止百人時或用之即以貼部教坊閱習自明昌間以渤海教坊兼習而又創設九十二人且宮縣之樂須行大禮乃始用之若其數復闕但前期遣漢人教坊及大興

府樂人習之亦可備用遂詔罷創設者宣宗南遷祔諸
帝主於汴京太廟禮官言祔享禮畢車駕還宮至承天
門外百官奉迎宮縣奏采茨以樂簾未備遂止用教坊
樂哀宗遷蔡天興二年七月丁巳太祖太宗及后妃御
容至自汴京奉安於乾元寺左宣徽使溫都七十五奏
當用樂上曰樂須太常柰何七十五曰市有優樂可假
用之權左右司員外郎王鶴奏曰世俗之樂豈可施于
帝王之前遂止

樂舞名數太廟登歌鐘一簴磬一簴歌工四籥二埙二
箎二笛二巢笙二和笙二簫二七星匏一九耀匏一閨
餘匏一搏拊二柷一敔一麾一一弦琴三弦琴五弦琴
七弦琴九弦琴各二瑟四別廟登歌並同親祠則用金
鐘玉磬攝祭則用編鐘編磬宮縣樂三十六簴編鐘十
二簴編磬十二簴大鐘搏鐘特磬各四簴建鼓應鼓鞞
鼓各四路鼓二路鼗二晉鼓一晉笙竽笙各十簫十籥
十箎十笛十埙八一絃琴三三絃五絃七絃九絃琴各

六瑟十二柷一敔一麾一文舞所執籥翟各六十四武
舞所執朱干玉戚各六十四引舞所執旌二纛二牙杖
二單兆二單鐸二雙鐸二金鏡二金鑄二金鉦二相鼓
二雅鼓二有司攝祭宮縣二十簴編鐘四編磬四辰鐘
十二建鼓四路鼓四路鼗二晉鼓一巢笙竽笙簫埙箎
笛各八一絃琴三三絃五絃七絃九絃琴各六瑟八柷
敔各一麾一登歌及二舞引舞所執與親祠同

皇帝受冊寶前期大樂令與協律郎設樂縣於殿廷又

設舉麾位二一於殿西階一於樂縣西北又設登歌樂
架於殿上至日侍中奏外辨宮縣樂作皇帝乃出即坐
樂止奉寶入門樂作置褥位上樂止初引時宮縣樂作
至位立定樂止寶初行樂作至御前置訖樂止皇帝受
寶訖樂作侍中奏稱賀樂止皇帝升殿登歌樂作復位
樂止侍中奏禮畢宮縣樂作皇帝還幕次樂止

御樓宣赦前期大樂署設宮縣於樓下又設鼓一於宮
縣之左至日金鶴初立大樂署擊鼓立訖鼓止侍中奏

外辦大樂令撞黃鐘之鐘右五鐘皆應昌寧之樂作皇帝乃出宣讀訖百官舞蹈禮畢大樂令撞蕤賓之鐘左五鐘皆應昌寧之樂作皇帝降座樂止凡皇帝出入升降及分班合班皆樂作坐立定乃止其冊命中宮皇子太孫受外國使賀宴外國使皆用宮縣

散樂元日聖誕稱賀曲宴外國使則教坊奏之其樂器名曲不傳皇統二年宰臣奏自古並無伶人赴朝參之例所有教坊人員只宜聽候宣喚不合同百寮赴起居

從之章宗明昌二年十一月甲寅禁伶人不得以歷代
帝王為戲及稱萬歲者以不應為事重法科泰和初有
司又奏太常工人數少即以渤海漢人教坊及大興府
樂人兼習以備用

鼓吹樂馬上樂也天子鼓吹橫吹各有前後部部又各
分二節金初用遼故物其後雜用宋儀海陵遷燕及大
定十一年鹵簿皆分鼓吹為四節其他行幸惟用兩部
而已

前部一

鼓吹令二人

搆鼓十二

金鉦十二

大鼓百二十

長鳴百二十

銃鼓一十二

歌二十四

拱辰管二十四

簫二十四

笳二十四

大橫吹一百二十

前部二

節鼓二

笛二十四

簫二十四

簾篥二十四

笳二十四

桃皮簾篥二十四

搘鼓十二

金鉦十二

小鼓百二十

中鳴百二十

羽葆鼓十二

歌二十四

拱辰管二十四

簫二十四

後部一

鼓吹丞二人

捆鼓三

金鉦三

羽葆鼓十二

歌二十四

拱辰管二十四

箫二十四

笳二十四

節鼓二

鎣鼓十二

歌十六

箫二十四

笳二十四

小橫吹百二十

後部二

笛二十四

簫二十四

簞篥二十四

笳二十四

桃皮簞篥二十四

本朝樂曲

世宗大定九年十一月庚申皇太子生日上宴于東宮
命奏新聲謂大臣曰朕製此曲名君臣樂今天下無事
與卿等共之不亦樂乎辭律不傳十三年四月乙亥上

御睿思殿命歌者歌女直詞顧謂皇太子曰朕思先朝所行之事未嘗暫忘故時聽此詞亦欲令汝輩知女直醇質之風至於文字語言或不通曉是忘本也二十五年四月幸上京宴宗室於皇武殿飲酒樂上諭之曰今日甚欲成醉此樂不易得也昔漢高祖過故鄉與父老歡飲擊筑而歌今諸兒和之彼起布衣尚且如是况我祖宗世有此土今天下一統朕巡幸至此何不樂飲于時宗室婦女起舞進酒畢羣臣故老起舞上曰吾來故

鄉數月矣今迴期已近未嘗有一人歌本曲者汝曹來
前吾為汝歌乃命宗室子叙坐殿下者皆上殿面聽上
歌曲道祖宗創業艱難及所以繼述之意上既自歌至
慨想祖宗音容如覩之語悲感不復能成聲歌畢泣下
數行右丞相元忠暨羣臣宗戚捧觴上壽皆稱萬歲於
是諸老人更歌本曲如私家相會暢然歡洽上復續調
歌曲留坐一更極歡而罷其辭曰

猗歟我祖聖矣武元誕膺明命功光于天拯溺救焚

深根固蒂克開我後傳福萬世無何海陵淫昏多罪
反易天道荼毒海內自昔肇基至于繼體積累之業
淪胥且墜望戴所歸不謀同意宗廟至重人心難拒
勉副樂推肆予嗣緒二十四年兢業萬幾億兆庶姓
懷保安綏國家閒暇廓然無事乃眷上都興帝之第
屬茲來游惻然予思風物減耗殆非昔時于鄉子里
皆非初始雖非初始朕自樂此雖非昔時朕無異視
瞻戀慨想祖宗舊宇屬屬音容宛然如睹童嬉孺慕

歷歷其處壯歲經行恍然如故舊年從游依稀如昨
歡誠契潤日暮之若干嗟潤別分云胡不樂

郊祀樂歌

皇帝入中壇宮縣黃鐘官昌寧之曲

凡步同

袞服穆穆臨于中壇瞻言圜壇皇皇后帝禋祀肇稱
馨香維德爰暨百神於昭受職

降神宮縣乾寧之曲仁豐道洽之舞圜鐘為宮黃鐘為
角太簇為徵姑洗為羽圜鐘三奏黃鐘太簇姑洗皆一

奏詞並同

我金之興皇天錫羨惟神之休爰茲郊見有玉其禮
有牲其薦將受厥明來寧來燕

皇帝盥洗宮縣黃鐘宮昌寧之曲

因天事天惇宗將禮爰飭攸司奉時罍洗挹彼注茲
迺升壇陛先事而虔神勞豈弟

皇帝升壇登歌太呂宮昌寧之曲

相在國南崇崇其趾烝哉皇王維時涖止至誠通神

克禋克祀於萬斯年昊天其子

昊天上帝奠玉幣登歌太呂宮洪寧之曲

穆穆君王有嚴有翼珮環鏘然圜壇是陟嘉德升聞
馨非黍稷高明降監百神受職

皇地祇坤寧之曲

肅敬明祇躬行奠贊其贊維何黃琮制幣從祀羣靈
咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆定
歌以大呂綏我思成有秩斯祐

司徒迎俎宮縣黃鐘宮豐寧之曲

穆穆皇皇天子躬祀羣臣相之罔不敬止俎豆畢陳
物其嘉矣馨香始升明神燕喜

昊天上帝酌獻登歌太呂宮嘉寧之曲

郊禋展敬昭事上靈太尊在席有配斯馨酌言獻之
靈其醉止福祿來宜以答明祀

皇地祇泰寧之曲

袞服穆穆臨被泰折於昭神宮埋幣瘞血爰稱匏爵
斟言薦潔方輿常安扶我帝業

配位太祖皇帝燕寧之曲

烝哉高后肇廸丕基功與天合配天以推薦時清旨
孔肅其儀來寧來燕福祿綏之

文舞退武舞進宮縣黃鐘宮咸寧之曲

奉祀郊丘雲門變舞進秉朱干停揮翟羽於昭睿文

復肖聖武無疆維烈天子受祜

亞終獻宮縣黃鐘宮咸寧之曲功成治定之舞

掃地南郊天神以俟於皇君在克禋克祀交於神明
玄酒陶器誠心靖純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰挹
馨香薦德惠我無疆子孫千億

徹豆登歌大呂宮豐寧之曲

大禮爰陳為豆孔碩肅肅其容於顯百辟皇靈降監
馨聞在德明禋斯成孚休罔極

送神宮縣圜鐘宮乾寧之曲

赫赫上帝臨監禋祀居然來歆昭答祖配圜壇四成
神安其位升歌贊送天人悅喜

方丘樂歌

迎神鎮寧之曲林鐘宮再奏太簇角再奏姑洗徵再奏

南呂羽再奏詞同

至哉坤儀萬彙資生稱物平施流謙變盈禮修泰折
祭極精誠皇皇靈膳永奠寰瀛

初獻盥洗太簇宮肅寧之曲

禮有五經無先祭禮即時伸虔惟時盥洗品物吉蠲
威儀濟濟錫之純嘏來歆愷悌

初獻升壇應鐘宮肅寧之曲

無疆之德至哉坤元沉潛剛克資生實蕃方丘之儀
惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛
純誠內著神保是享陟降斯祜

司徒捧俎太簇宮豐寧之曲

四階秩儀壇於方澤昭事皇祇即陰以墮潔肆於祊
孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含洪光大籩豆既陳

金石斯在四海永寧福祿攸介

配位酌獻

配太宗也太簇宮保寧之曲詞闋

亞終獻升壇太簇宮咸寧之曲

卓彼嘉壇奠玉方澤百辟祇肅八音純繹祀事孔明
柔祗感格

徹豆應鐘宮豐寧之曲

修理方丘吉蠲是宜籩豆靜嘉登於有司芬芬馨香
來享來儀郊儀將終聲歌徹之

送神林鐘宮鎮寧之曲

因地方丘濟濟多儀樂成八變靈祇格思薦餘微豆
神貺昭垂億萬斯年永祐丕基

詣望燎位太簇宮肅寧之曲詞同升壇

欽定四庫全書

金史卷四十

元中書右丞相總裁托克托等修

志二十一

樂下

宗廟樂歌

殿庭樂歌

鼓吹導引曲

采茨曲

禘祫親饗皇帝入門宮縣無射宮昌寧之曲

出入步

武同

惟時升平禮儀肇興鳴鑾至止穆穆造庭百辟卿士

恪謹迎承恭隸祖考神宇攸寧

皇帝升殿登歌夾鐘宮昌寧之曲

升階及將還版位皆同登歌

笙鏞既陳罍樽在戶升降有容惟規惟矩恭敬明神

上儀交舉永言保之承天之祐

皇帝盥洗宮縣無射宮昌寧之曲

惟水之功潔淨精微洗爵奠尊于德有輝皇皇穆穆

宗廟之威宜其感格福祉交歸

皇帝降階宮縣無射宮昌寧之曲

於皇神宮象天清明有來肅肅相維公卿禮儀卒度

君子攸寧孔時孔惠綏我思成

迎神宮縣來寧之曲黃鐘宮三奏大呂角二奏太簇徵

二奏應鐘羽二奏詞同

八音克諧百禮具舉明德維清至誠永慕神之格思
雲輶風馭來止來臨千祀燕處

司徒引俎宮縣無射宮豐寧之曲

維牲維犧齋明致祠我將我享吉蠲奉之博碩肥腯
神嗜為宜千秋歆此永綏黔黎

始祖酌獻官縣無射宮大元之曲

惟酒既清惟肴既馨苾芬孝祀在廟之庭羞於皇祖
來燕來寧象功昭德先祖是聽

德皇帝大熙之曲

萬方欣戴鴻業創基瑤源垂裕綿瓞重熙式崇苾祀
爰考成規籩豆有楚益臻皇儀

安皇帝大安之曲

爰圖造邦載德其昌皇儀允穆誕集嘉祥明誠昭格

積厚流光祇嚴清廟鐘石琅琅

獻祖大昭之曲

惟聖興邦經始之初鳩民化俗還定攸居迪德純儉
志規遠圖時哉顯祀精誠有孚

昭祖大成之曲

天啓璇源貽慶定基率義為勇施德為威耀武拓境
功烈巍巍永昌皇祚均福黔黎

景祖大昌之曲

丕顯鴻烈基緒隆昌聖期誕集邦宇斯張尊嚴廟祏
昭著休祥煌煌縟典億載彌光

世祖大武之曲

桓桓伐功天監其明惟威震疊惟德綏寧神策無遺
鴻圖以興曾孫孝祀遹昭厥成

肅宗大明之曲

於皇神人武烈文謨左右世祖懷柔掃除威震遐邇
化漸蠻魚垂光綿永成帝之孚

穆宗大章之曲

烝哉文祖欽聖弘淵慈愛忠信典策昭然歆此明祀
繁祉綿綿時純熙矣流慶萬年

康宗大康之曲

惟明惟聰曠曠神功儀刑世業昭格上穹持盈孝孫
薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂裕

肇基永圖明明天子敬承典謨

太宗大惠之曲

巍巍德鴻無為端康祚承神功究馴俗微清宮緝熙
孝懿時祀欽奠著誠儀樽嘉旨

熙宗大同之曲

昭顯令德神基丕承對越在天享用躋升於穆清廟
來燕來寧神其醉止惟欽克誠

睿宗大和之曲

皇祖開基周武殷湯猗歟聖考嗣德彌光啟祐洪緒
長發其祥嚴恭廟享萬世蒸嘗

世宗大鈞之曲

神之來思甫登于堂裸圭有瓊秬鬯芬芳巍巍先功
啓祐無疆萬年肆祀孝心不忘

顯宗大寧之曲

於皇神宮有嚴惟清吉蠲孝祀惟神之寧對越在天
綏我思誠敷祐億年邦家之慶

章宗大隆之曲

兩紀踐祚萬方寧康文經天地武服遐荒禮備制定
德隆業昌居歆典祀億載無疆

宣宗大慶之曲

猗歟聖皇三代之英功光先后德被羣牲深惟馨
鼓鐘其鏗神兮來思歆于克誠

文舞退武舞進宮縣無射宮肅寧之曲

明明先聖神武維揚開基垂統萬世無疆干戚象功

威儀有光神保是饗昭哉降康

亞終獻無射宮肅寧之曲

涓辰之休昭祀惟恭威儀陟降惟禮是從籩豆靜嘉
於論鼓鐘惟皇受祉監斯德容

皇帝飲福登歌夾鐘宮福寧之曲

犧牲充潔粢盛馨香來格來享精神用彰飲此純禧

簡簡穰穰文明天子萬壽無疆

徹豆登歌夾鐘宮豐寧之曲

孝祀肅睦明德以薦樂奏九成禮終三獻百辟卿士
進徹以時小大稽首神保聿歸

送神宮縣黃鐘宮來寧之曲

潔茲牛羊清茲酒醴三獻攸終神既燕喜神之去兮
載錫繁祉萬壽無疆永保禋祀

郊祀前朝享太廟樂歌

皇帝入門宮縣無射宮昌寧之曲

郊將升禋廟當告虔錫鑾戾止孝寔奉先祀事斯舉

有序無愆祇見祖考神意懼然

皇帝升殿登歌夾鐘宮昌寧之曲

皇皇天子升自阼階奠見祖禰肅然有懷百禮已洽
八音克諧既昌且寧萬福沓來

迎神官縣來寧之曲黃鐘三奏大呂角二奏太簇徵二
奏應鐘羽二奏詞同

以實應天報本反始潔粢豐盛禮先肆祀風馬雲車
神之弔矣來止來宜而燕翼子

皇帝盥洗宮縣無射宮昌寧之曲

有水于罍有巾于篚帨手拭爵圭袞有輝玄酒大羹
德馨維菲萬年昌寧皇皇負扆

皇帝升階官縣無射宮昌寧之曲

降階同

巍巍京師有嚴神宮聖主戾止多士雲從來享來獻
肅肅其容將昭大報庸示推崇

司徒捧俎宮縣無射宮豐寧之曲

陳其犧牲惟純與精苾芬孝思於昭克誠不疾庶螽

或剥或烹洋洋在上以交神明

始祖酌獻宮縣大元之曲

猗歟初基兆我王述其命維新詒謀丕赫絲絲瓜瓞
國步日闢堂構之成焜煌今昔

獻祖大昭之曲

以聖繼興成王之孚民從其化咸奠攸居清廟觀德
猗歟偉興金石備樂以奉神娛

昭祖大成之曲

東夷不庭皇祖震怒神武削平詔厥聖緒猶室有基
垣墉乃樹億萬斯年天保孔固

景祖大昌之曲

於皇藝祖其智如神修法施令百度維新疆宇日廣
海隅咸賓功高德厚耀耀震震

世祖大武之曲

於皇先王昭假于天長駕遠馭麾斥無前王業猶生
孫謀有傳圓壇展禮敢先告虔

肅宗大明之曲

猗歟前人簡惠昭融相我世祖成茲伐功敷佑來葉
帝圖其隆將修熙事先欵神宮

穆宗大章之曲

仁慈忠信惟祖之休功光岐下迹掩商丘言瞻清廟
懷想前修神其來格歆茲庶羞

康宗大康之曲

猗歟前王惠我無疆儀刑典法日靖四方永言孝思

於乎不忘昭告大祀祇率舊章

太祖大定之曲

天生聰明俾乂蒸人惟此二國為我國民撻彼威武
萬邦咸賓明昭大報推而配神

太宗大惠之曲

維清緝熙於昭明德我其收之駿奔萬國南郊肇修
大典增飾清廟吉蠲純禧申錫

睿宗大和之曲

維時祖功肇開神基昭哉聖考其德增輝上動天監
明命攸歸謀貽翼子無疆之辭

文舞退武舞進宮縣肅寧之曲

先皇開基比迹殷湯功加天下武德彌光容舞象成
干戈戚揚於昭報本懷哉不忘

亞終獻官縣肅寧之曲

於皇宗祊朝獻維時芬芬酒醴棣棣威儀誠則有餘
神之格思神孫千億神其相之

皇帝飲福登歌夾鐘福寧之曲

皇皇穆穆丕承丕基躬親于禋載肅載祇對越在天
神歆其誠于以飲酒如川之增

徹豆登歌夾鐘宮豐寧之曲

物維其時既豐且旨苾苾德馨或將或肆神之居歆
洽于百禮於萬斯年穰穰介祉

送神宮縣黃鐘宮來寧之曲

濟濟多儀皇皇雅奏獻終反爵薦餘徹豆神監昭回

有秩斯祐無疆之福申錫厥後

昭德皇后別廟郊祀前薦享登歌樂曲

初獻盥洗夷則宮肅寧之曲

神無常享時歆精誠惟誠惟潔感通神明先事盥滌
注茲清冷巾篚既奠尊彝薦馨

初獻升降殿仲呂宮嘉寧之曲

有來肅肅登降以敬案案袞服鏘鏘佩聲金石節奏
既協且平其儀不忒乃終有慶

司徒奉俎奏夷則宮豐寧之曲

馨我黍稷潔我牲牷降升有節薦是吉蠲工祝致告
威儀肅然神之弔矣元吉其旋

酌獻奏夷則宮儀坤之曲

俛天之妹坤德利貞圓丘有事先薦以誠我酒既旨
我殼既盈神其居饗福祿來成

徹豆奏仲呂宮豐寧之曲

明昭祀事舊典無違樂既云闋神其聿歸禮之克成

神保斯饗於萬斯年，連續丕脫

祫禘有司攝事

初獻盥洗宮縣無射宮肅寧之曲

祀事之大齊栗為先絜精以獻沃盥于前既灌以升
乃薦豆籩神其感格歆于吉蠲

升自西階登歌奏夾鐘宮嘉寧之曲

餘並同親祀

國有太官合食以禮躋階肅肅降陛濟濟鏘然純音
節乃容止神之格思永綏福履

時享攝事登歌樂章

初獻盥洗無射宮肅寧之曲

酌彼行潦維挹其清潔齊以祀祀事昭明顯允辟公沃盥乃升神之至止歆于克誠

初獻升殿夾鐘宮嘉寧之曲

餘同親祀惟不用宮縣

濟濟在庭祇薦有序雍容令儀旋規折矩爰徂于基鳴佩接武敬恭神明來寧來處

昭德皇后時享登歌樂章

初獻盥洗無射官肅寧之曲

時祀有章禮備樂舉爰潔其盥亦豐其俎俯仰升降
中規中矩神其來格百福是與

初獻升殿夾鐘宮嘉寧之曲

三獻及司徒降同

假哉神宮神宮有恤惟時吉蠲登升翼翼歌鐘鑄煌
笙磬翕繹於昭肅恭靈釐來格

司徒奉俎無射官肅寧之曲

宮庭枚枚鐘磬喤喤既儀圭鬯既奠脣脣齊莊奉饋

籩豆大房靈之右饗流慶無疆

酌獻無射宮儀坤之曲

於皇坤德作合乾儀塗山懿範京室芳徽容聲如在
典祀惟時神其克享薦祉來宜

亞終獻無射宮儀坤之曲

嘉羞實俎高張在庭申獻合禮終獻改申為三坤德儀刑神

其是聽用鬯清明既鬯來享來寧

徹豆夾鐘宮豐寧之曲

禮成於終神心惫惫背蕭發馨樂闋獻已徒馭孔多
靈輿載轔青玄悠悠歸且憶矣

宣孝太子別廟登歌樂章

初獻升殿夾鐘宮承安之曲

有腯斯牲有馨斯齊美哉洋洋升降以禮禮容既莊
樂亦諧止神之格思式歆明祀

酌獻無射宮和寧之曲

於惟光靈孝德昭宣高麗有奕來寧來燕於薦惟祫

既時既蠲從我烈祖載享億年

亞終獻和寧之曲

金石和奏豆籩惟豐祠宮奉事齊敬精衷笙吟伊浦
鶴駐緜峯是保是饗靈德無窮

徹豆夾鐘官和安之曲

寢成奕奕今茲其時明稱肇祀將禮之儀侯安以懌
羞嘉且時樂闋獻已神其饗思

大定三年十月追上睿宗冊寶應鐘宮顯寧之曲

天開休運積仁而昌命茲昭考敢忘顯揚上儀肇舉
渭日之良來格來享惠我無疆

大定十九年升祔熙宗冊寶樂曲

恢大帝業敉寧多方懿德茂烈全書發揚肇舉上儀
涓擇吉日鴻名赫赫與天無極

上冊寶宮縣靜寧之曲

日卜其吉承祀孔肅廣號追崇孝心克篤於乎悠哉
來思睠穆寶冊既承委於宗祝

皇帝降殿宮縣鴻寧之曲

繼世隆昌臨期靜默追謚鴻名發輝潛德玉質金章
煌煌簡冊涓辰展儀永傳無極

殿庭樂歌

大定七年正月上冊寶皇帝將升御座宮縣奏太簇宮

泰寧之曲

同降座

德隆帝位承天而興侯邦來庭民居安寧歸美以報
傳之無極鴻名徽稱壽時萬億

冊寶入門奏天保報上之曲

四方既平功歸聖明定功巍巍丕享鴻名股肱良哉
揄揚元首儲積優游南山等壽

奉冊寶官將復班位奏歸美揚功之曲

聖德高明萬邦咸休錙銖唐虞糠粃商周維時羣臣
對歌稽首天子明明令聞不朽

冊寶初行奏和寧之曲

冊寶將升殿皇太子自侍立位至降階曲並同

四方攸同昭哉成功時和年豐諸福來崇英聲昭騰

和氣充塞於乎皇王維壽時億

皇太子升殿賀奏同心戴聖之曲

穆清皇風遐方來同於昭于天物和歲豐丕受鴻名
對揚偉積純釐穰穰敷錫罔極

上壽皇帝將升御座宮縣和寧之曲

同前

舉酒萬壽無疆之曲

四海太平吾皇之功羣臣對揚誕受鴻名霞觴瓊腴
君王樂豈皇天垂休萬壽無極

皇太子升階降階及與宮官升殿並奏和寧之曲

同前

進第一爵登歌奏王道明昌之曲

對天鴻休予以鋪張巍巍煌煌超冠百王皇圖皇綱

時維明昌祉福無疆于民敷揚

行羣官酒宮縣和寧之曲文舞入設羣官食奏功成治定之舞三成止

聖德高明如天強明多方治平功大有成流于聲音形于蹈舞頌觴羣臣以昭禮遇

進第二爵登歌奏天子萬年之曲

惟明后馭寰瀛躋升平飛英聲功三皇德五帝游巖

廊億萬歲

行羣官酒宮縣和寧之曲武舞入設羣官食奏四海會
同之舞三成止

地平天成時和歲豐迓衡弗迷率惟敉功受天之祐
四方來荷於萬斯年不遐有佐

進第三爵登歌嘉禾之曲

景命赫斯歸吾皇仁風洋洋被遠荒琛賚旅庭趨明
光氣和薰蒸為嘉祥殊本合穗真異常庚如抵京歲

且穰猗歟鴻休超前王播為聲詩傳無疆

行羣官酒設羣官食

羣官降階官縣並奏和寧之曲皇帝將降御座奏泰寧之曲並用太簇宮

大定十一年十一月行冊禮皇帝升御座官縣泰寧之曲

皇皇穆穆袞服王趾如日之升如山仰止九賓在列
媚茲天子願言無疆介以繁祉

冊寶入門奏天保報上之曲

穆穆元聖天迪子保相維臣工以奏丕號揚于路朝
玉牒神寶於萬斯年吾君壽考

奉冊寶官將復班位奏歸美揚功之曲

玉冊玉寶尊聖天子丕揚鴻名昭受帝祉閟休對天
其隆孰比臣下同心翼戴歸美

皇太子升殿賀奏同心戴聖之曲

大矣我后徽冊膺受歡趨彤庭拜手稽首休明御辰

無疆萬壽靈貺沓來天地長久

舉酒奏萬壽無疆之曲

聖德懋昭民歸天祐煌煌金書典冊光受備樂在庭

八音諧奏羣公奉觴天子萬壽

進第一爵登歌王道昌明之曲

明明我王道光化溥百度維新禮修樂舉藻飾太平

爛然可覩超躋三王暉映千古

設羣官食奏和寧之曲功成治定之舞

穆穆我君威折羣醜輝光日新仁洽九有容典威蕤
超前絕後端拱深嚴寶冊膺受

第二爵登歌奏天子萬年之曲

典禮修惟明后揚鴻名燦瓊玖羅華紳為萬壽歌南
山堅且久

行羣官酒奏和寧之曲四海會同之舞

道隆政平天開有德萬國和寧來王來極昭受鴻名
俯徇列辟錫飲行觴歡心各得

第三爵登歌奏嘉禾之曲

衆瑞畢至昭升平爰生嘉禾迺合穗臙臙大田無南
東稼茂如雲成豐歲既刈既穫百室盈擊壤歌沸野
老聲陶唐之民茲其比帝力何有若自遂

大定十八年十二月上受命寶皇帝將升御座官縣奏
泰寧之曲並大呂宮

上帝有赫懷此明德畀之神寶庸鎮萬國臨軒是膺
登降維則羣臣拜首年卜萬億

寶入門奏天保報上之曲

受命大寶昭答眷祐珍符明覲人為天授文物具舉

韶濩迭奏羣臣上之天子萬壽

羣臣合班奏歸美揚功之曲

德冒生民明元后端冕臨軒神寶是受羣工來賀

咸拜稽首無疆無期享祚長久

皇太子升殿并自侍立位降階官縣稱觴介壽之曲

上儀昭舉膺時瑞玉羣辟在列踰踰肅肅袞衣桓圭

歸美稽首升降惟時天子萬壽

舉酒登歌奏萬壽無疆之曲

上帝眷命純休茲至誕膺洪寶光臨大器稱觴對揚
嵩嶽萬歲其寧惟永無疆卜世

天德二年十月冊立中宮皇帝將升御座宮縣奏乾寧
之曲降座同

人道大倫王道所基明聖稽古陰教欲施臨軒發冊
備舉彝儀麟趾闋睢宜播聲詩

冊寶入門奏昌寧之曲

出門同

羽衛充庭淑旂徽章禮儀具舉涓辰以良相我內訓
來儀椒房億萬斯年邦家之光

將受冊寶以冊寶入門官縣奏肅寧之曲

命婦升降同

塗山興夏闢睢美周坤儀之尊母臨九州瑤冊祚衣
光配凝旒地久天長福祿是道

后出閣奏順寧之曲

升降座同

天立厥配任姒比隆母儀四海化行六宮日月並明

乾坤合德於萬斯年作儼宸極

受冊奏坤寧之曲

風化之始由于壺闈禮文斯備爰正坤儀維順以慈
儼聖同德則百斯男垂統無極

天德四年二月冊皇太子皇帝將升御座宮縣奏乾寧
之曲皆用夾鐘宮

大君有為先圖本固涓辰之吉禮成儲副文物備陳
聲樂皆具人心載寧克昌福祚

冊使八門奏昌寧之曲

在天成象煥乎前星惟聖時憲典禮以行一人有慶
萬邦以貞社稷之福寔昌寔明

皇太子八門奏元寧之曲

出門同

皇矣上帝純佐明聖篤生元良日躋德性冊命主器
萬邦以正龍樓問寢德年之慶

大定八年正月冊皇太子皇帝將升御座宮縣洪寧之

曲並用太簇宮

會朝清明臨軒備禮天威皇臣工濟濟於昭元良
膺茲典冊對揚閎休卜年萬億

皇太子入門奏肅寧之曲

光昭前星惟天垂象稽古而行主器以長典禮告成
邇遐屬望國本既隆繁釐永享

羣臣合班奏嘉寧之曲

於皇臨軒禮崇上嗣維春之祺儕方正位言觀其儀
翔翔濟濟美歸吾君太平萬歲

皇太子復受冊位奏和寧之曲

祖功艱難經營締構基牢根深枝繁葉茂於昭貽謀
駢休集祐元良斯貞吾皇萬壽

大定二十七年三月冊皇太孫皇帝將升御座宮縣奉

寧之曲並姑洗宮

上天叢休申錫祚膺孫謀有貽臨軒體正煌煌上儀
欣欣衆聽隆我邦本無疆惟慶

皇太孫入門奏慶寧之曲

出門同

寶源流光流光惟遠孫謀有貽慶序昭衍於樂衆望
於皇備典動容周旋承茲嘉羨

羣臣合班奏順寧之曲

冕旒當寧徽章備舉綵仗充庭金石列簴濟濟多士
翼翼就序海潤山暉傾聽樂府

皇太孫復受冊位奏保寧之曲

禮之攸聞丕建世嫡衆論協從天心不易名崇震宮

辭著瑞冊社稷宗廟無疆夷擇

鼓吹導引曲

天眷三年九月駕幸燕京導引曲

無射宮

五年一狩仙仗到人間
問稼穡艱難蒼生洗眼秋光
裏今日見天顏金戈玉斧臨
香火馳道六龍閑歌謠
到處皆相似天子壽南山

天德二年三月祫享迴鑾導引曲

禮成廟享御衛拱飛龍諸道起祥風
太平天子多受福孝德興天通鳳簫龍管韶音奏
聲在五雲中粲然

文物昭治世萬億禩無窮

貞元元年三月駕幸中都道引曲

並姑洗宮

鑾輿順動嘉氣滿神京輦路宿塵清鈞陳萬旅隨天
仗縹紗轉霓旌都人望幸傾堯日鼇抃溢歡聲臨觀
八極宸居正寰宇慶昇平

采茨曲

新都春色滿華蓋定全燕時運千齡協星辰五緯連
六龍承曉日丹鳳倚中天王氣盤山海皇居億萬年

貞元三年十一月祫享迴鑾采茨曲

並用

慶成迴大駕仙仗紫雲深龍袞輝千騎嵩呼間八音
太平興縛禮萬國得歡心孝格迎遐福穰穰永降臨
正隆六年六月駕幸南京導引曲

並林鐘官

神宮壯麗宮殿廡蓬萊向曉九門開聖明天子初巡
幸遙駕六龍來五雲影裏排仙仗清蹕絕纖埃都人
齊唱昇平曲更進萬年盃

采茨曲

雙闕層雲表澄景開清曉六龍天上來馳道平如掃
虞巡五載合夏誇一遊同都人欣豫意寫入頌聲中

大定三年十月祫享迴鑿采茨導引曲

皆應鐘官自後親祀二曲並用

太官崇烈考大禮慶初成綵仗迴雲步天階嚴蹕聲

舜宮合至孝周頌詠維清介福應穰簡歡交萬國情

導引曲

禮行清廟華黍薦年豐聖孝興天通六龍迴駟千官
衛玉振珮環風黃麾金輅嚴天仗霏霧鬱葱葱工歌

送秦升平曲福祿自來崇

大定二十七年三月皇太孫受冊謝廟

導引曲

璿源濬發衍慶自靈長聖運日隆昌震闡顯冊遵彝
典基緒煥重光揀時廟見嚴昭報禮樂粲成章精誠
潛格神明助福祿永無疆

金史卷四十

欽定四庫全書 舊要卷六千二百八十三

金史卷四十一

元中書右丞相總裁托克托等修

志二十二

儀衛上

常朝儀衛
內外立仗
常行儀衛
行仗法駕
黃麾仗

金制天子之儀衛一曰立仗二曰行仗其衛士曰護衛
曰親軍曰弩手曰控鶴曰傘子曰長行立仗則有殿庭
內仗殿庭外仗凡大禮大朝會則用之其朔望常朝弩

手百人分立兩階而已行仗則有法駕大駕黃麾仗凡行幸及郊廟祀享則用之其非大禮遠出則有常行儀衛宮中導從焉大抵模倣宋制錯綜增損而用之其宿衛則見兵志云

初國制凡朔望常朝日殿下列衛士簾下置甲兵正隆元年海陵去甲兵惟存錦衣弩手百人分立兩階其儀都副點檢公服偏帶常朝則
展紫左右衛將軍宿直將軍展紫金束帶各執玉水晶及金飾骨朵左右親衛盤裏紫

襖塗金東帶骨朵佩兵械供御弩手傘子百人並金花
交腳幞頭塗金銅釦襯花東帶骨朵左右班執儀物內
侍二十人展紫塗金東帶朝參日弩手傘子直於殿門
外分兩面排立司辰報時畢皇帝御殿坐鳴鞭閣門報
班齊執擎儀物內侍分降殿階南向立點檢司起居弩
手傘子於殿門外北面山呼聲喏訖即於殿門外東西
相向排立都點檢以次三員升殿都點檢在東近南左
副又少南右副在西東向對立左右衛將軍在殿下東

西對立省臣隨班起居畢左右司侍郎從宰執奏事殿中侍御史隨班起居畢東西對立於左右衛將軍之北少前修起居注分殿陛東西對立於殿欄外副階下以俟奏事畢皇帝還閣侍衛者乃退

凡遇大禮大朝會則有內外立仗熙宗皇統元年正月上冊寶立仗一千一百八十人自是以後至海陵時俱用三千人世宗大定七年上冊寶頗損其數且以天德貞元不設車輅遂并去之是後或減至二千或一千或

八百或六百人天德二年海陵立后發冊勅政殿設黃
麾細仗用前六部攝官七十一擎執六百七十八人受
冊泰和殿用後六部攝官三十六擎執三百二十二人
大定八年正月冊皇太子于大安殿用黃麾半仗二千
二百六十五人奉表于仁政殿用黃麾細仗一千四百
二人二十七年冊皇太孫亦如之

大定八年黃麾半仗攝官一百七十五人擎執二千八
十一人編排職掌九人 殿廷內仗以中心東西相向
一重并西北旗幟

為中通

左行自北西向排列黃麾幡一首執者三人碧襯

官一大雉扇二碧襯官一中雉扇六碧襯官一小雉扇

六碧襯官一朱團扇六碧襯官一睥睨四碧襯官一紅

大傘一碧襯官一紫方傘二碧襯官一革蓋一右行東

向列者並同 面北第一行牙門旗八共二十四人分

左右留中道第二行監門校尉十二分左右第三行長

壽幢一押旗大將軍一居中次東五方龍旗十五次西

五方鳳旗十五第四行自內而東青龍旗五紅龍旗二

十自內而西青龍旗五紅龍旗二十第五行同上又君
王萬歲旗一五人居中日旗一五人在左月旗一五人
在右第六行自內而東天下太平旗_卽卍紋旗日月合璧
旗_卽卍紋旗青龍旗赤龍旗河瀆旗江瀆旗各一旗五人
排仗通直官一排仗大將一未午己辰卯寅旗各一青
天王旂白天王旂各一自內而西祥雲旂五星連珠旂
祥雲旂黃龍旂白龍旂黑龍旂淮瀆旗濟瀆旂各一旂
五人通直官一大將一申酉戌亥子丑旂各一緋天王

旗皂天王旗各一第七行自內而東孔雀旗一五人蒼
鳥旗兕旗犧牛旗驪駒旗赤熊旗白狼旗金鶡鵠旗
犀旗角端旗鵠鷀旗騮牙旗野馬旗瑞麥旗甘露旗各
一旗五人自內而西者同 外仗在門左邊西向自北
排列第一部第一行侍御史大將軍折衝都尉各一主
帥三第二行絳引幡五首十五人龍頭竿四弓矢五揭
鼓二龍頭竿四儀鍾斧五龍頭竿四朱刀盾五龍頭竿
四綠刀盾五龍頭竿四小戟五第三行與第一行同第

四行與第二行同。第二部第三部第四部第五部以次
而南各為前後。四行其名數與第一部同。惟無絳引幡。
右五部東向排列。色數皆同。左第五行從北每大旗一
均用小紅龍旗。二間之角宿旗一三人均用二亢宿旗。
一三人均用二氐宿旗一三人均用二房宿旗一三人
均用二心宿旗一三人均用二尾宿旗一三人均用二
箕宿旗一三人均用二斗宿旗一三人均用二牛宿旗。
一三人均用二女宿旗一三人龍旗并黃排欄旗各一

虛宿旗一三人紅黃排襾旗二危宿旗一三人紅紫排襾旗二室宿旗一三人黃紫排襾旗二壁宿旗一三人紅黃排襾旗二重輪旗一三人紅紫排襾旗二左攝提旗一三人黃紫排襾旗二青龍旗一三人紅黃排襾旗二木星旗一三人紅紫排襾旗二火星旗一三人黃紫排襾旗二土星旗一三人紅黃排襾旗二金星旗一三人紅紫排襾旗二水星旗一三人吏兵并紫排襾旗各一北岳旗一三人吏兵并龍君旗各一東岳旗一三人

龍君并黃熊旗各一中岳旗一三人黃熊并赤豹旗各
一西岳旗一三人赤豹并力士旗各一南岳旗一三人
力士并虎君旗各一朱雀旗一三人虎君并天馬旗各
一右第五行從北奎旗一三人婁旗一三人虎旗一三
人昴旗一三人畢旗一三人觜旗一三人胃旗一三
人井旗一三人鬼旗一三人皆均用二旗如前柳宿旗一
三人紅龍并黃排欄旗各一星宿旗一三人紅黃排欄
旗二張宿旗一三人紅紫排欄旗二翼宿旗一三人紫

黃排欄旗二軫宿旗一三人紅黃排欄旗二重輪旗一
三人紅紫排欄旗二右攝提旗一三人紫黃排欄旗二
白虎旗一三人紅黃排欄旗二東方神旗一三人紅紫
排欄旗二南方神旗一三人黃紫排欄旗二中央神旗
一三人紅龍排欄旗二西方神旗一三人紅紫排欄旗
二北方神旗一三人力士并紫排欄旗各一風伯旗一
三人力士并虎君旗各一雨師旗一三人虎君并黃熊
旗二雷公旗一三人黃熊并赤豹旗二電母旗一三人

赤豹并吏兵旗二北斗旗一三人吏兵并龍君旗二玄
武旗一三人龍君并天馬旗二三人執一旗者重立二
人各執小旗者亦重立 殿門外仗亦從北留中道飛
騎旗駛驥旗鸞旗麟旗馴象旗各二共十人從中分列
為第一重鶻雞旗貔旗玉馬旗三角獸旗黃鹿旗各二
共十人次外分別為第二重其次第一部都尉三員第
二部至第五部俱二員為第三重又其次五部各刀盾
二十為第四重又其次五部各弓矢二十為第五重左

右同

黃麾細仗攝官八十八人擎執一千三百五人編排職掌九人內仗中道左一行自北西向排列黃麾幡一首執者三人大雉扇六中雉扇六小雉扇六朱團扇六睥睨四紅大傘一紫方傘二華蓋一凡傘扇之上皆有碧欄官一右行東向排次同面北第一行長壽幢一居中牙門旗八共二十四人分左右第二行君王萬歲旗五人居中日旗五人監門校尉五人在左月旗五人

監門校尉五人在右第三行五方龍旗十五在左五方
鳳旗十五在右第四行紅龍旗三十四第五行紅龍旗
三十四皆分左右第六行自內而東太平苣紋合璧苣
紋赤龍青龍旗各一旗五人通直一人大將一人未午
己辰卯寅旗各一青天王旗白天王旗各一自內而西
祥雲連珠祥雲黃龍白龍黑龍旗各一旗五人通直一
人大將一人申酉戌亥子丑旗各一緋天王旗皂天王
旗各一第七行自內而東河瀆江瀆兕赤熊馴犀角端

鷄鷉綱子旗各一旗五人自內而西淮瀆濟瀆兜赤熊
馴犀角端鷄鷉綱子旗各一旗五人外仗左邊西向
自北排列第一行五部侍御史大將軍折衝都尉各一
主帥各二第二行第一部絳引幡五首十五人龍頭竿
四弓矢五揭鼓二儀錘斧五龍頭竿四弓矢五朱刀盾
五綠刀盾五龍頭竿四儀錘斧五朱刀盾五綠刀盾五
龍頭竿四小戟五龍頭竿四小戟五第二部至五部無
絳引幡餘色並同以次相接而南右五部東向亦如之

左第三行從北角亢氐房心尾箕斗牛女虛危室壁旗
各一旗三人次重輪左攝提青龍旗各一木火土金水
星旗各一北東中南西岳旗各一旗三人次紫排欄四
黃排欄四紅排欄四吏兵旗二天馬旗一右第三行從
北奎婁胃昴畢觜參井鬼柳星張翼軫旗各一旗三人
次重輪右攝提白虎旗各一東南中西方神旗各一
風伯雨師雷公電母北斗旗各一旗三人次紫排欄四
黃排欄四紅排欄四吏兵旗二天馬旗一

行仗天子非祀享巡幸遠出則用常行儀衛弩手二百人軍使五人控鶴二百人首領四人俱服紅地藏根壯丹錦襖金鳳花交脚幞頭塗金銀束帶控鶴或皂帽碧襖各執金鍍銀蒜瓣骨朵長行四百人拳腳幞頭紅錦四袴襖塗金束帶二人紫衫前導無執物餘執列系骨朵七十八瓜八十八燈三十四在控鶴前金吾仗八十金花大劒六十俱垂紅絨結子儀錘斧五十八在控鶴後其常朝御殿郊廟臨幸凡步輦出入則有近侍導從

執金鍍銀骨朵者二人左右扇十人拂手四人香盒二人香毬二人節二人幢二人盃一人唾壺一人淨巾一人鋤鑼一人水罐一人交椅一人斧一人皇帝出閣則分立閣門之外導引至殿皇帝升座則降階以俟入閣然後放仗

天眷三年熙宗幸燕始備法駕凡用士卒萬四千五六人攝官在外海陵遷都于燕用黃麾仗萬三百四十八人天德二年祀廟用黃麾四千人世宗即位凡行幸

祀享並用三千人間亦不滿其數大定十一年前祀南郊朝享太廟及至郊壇用大駕七千人此其大較也

天眷法駕人數攝官六百九十九人將軍大將軍四十三人折衝果毅一百二十六人校尉五十六人郎將三十四人帥兵官二百四十六人統軍六人都頭六人千牛一人旅師二人部轄指揮使二人押纛二人押衙四人四色官四人押旗二人引駕官四人進馬四人押仗通直二人押仗大將二人碧襯一十六人長史二人鼓

吹令二人鼓吹丞三人典事五人太史令一人太史正
一人司丞一人府牧一人刻漏生四人縣令一人御史
大夫一人僚佐一十人進輶職掌二人夾輶將軍二人
陪輶將軍二人教馬官二人四省局官八人導駕官四
十八人抱駕頭官一人執扇筤一人尚輦奉御二人殿
中少監二人供奉職官二人令史四人書令史四人押
仗二人殿中侍御史二十四人諸班直隊二千九百四
十五人鈞容直三百六人人員六長行三百執旗一百三十六

人引駕六十二人

人員二長行六十

駕頭天武官一十二人執

從物茶酒班一十一人

御龍直仗劍六人

天武把行門

八人殿前班擊鞭一十人

御龍直四十人

人員二長行三十八骨

朶直一百三十四人

部押二人殿前班行門三十五人

捧日馬隊七百人

奉宸步隊七百人

天武骨朶大劍三

百一十人

人員一十長行三百

東第四班三十一人

人員一長行三十扇

筤天武二十人

捧日隊從領人員一十七人

簇輦茶酒

班三十一人

人員一長行三十

鈞容直三十人

人員一長行三十招

箭班三十三人

人員三長

天武約欄三百一十人

人員一十

長行

行三十

車輶下駕士六百三十八人玉輶下一百四十人

三

百

踏路馬四駕士

一

控馬

踏路四

象

控踏路馬四駕士二十八扶輶八

金輶下六十四人

控馬踏路四

象

輶下駕士四十人草輶木輶耕根車駕士同上草車二

共五十人指南記里車各三十人輶車鸞旗皮軒車各

十八人黃鉞豹尾車各十五人屬車八共八十人

輦

輿下六百八十五人小輿一長行二十四人逍遙一共

三十五人

什將節級九

平輦下四十二人

什將節級九

長行二十六

人員七長行

二十腰輿共一十九人人員一什將虞候二長行一十六大輦下三百

七十一人掌輦人員四什將十二長行三百五十五分五番芳亭輦一長行六

十人御馬三十二共百三十四人控馬天武官六十四扶馬騎御馬直長行

六十四人押馬六人騎御馬直人員三天武節級三人象二十三人擎執人士

共八千七百七十一人鼓吹樂二九百九十四人

馬六千七十八匹

天德五年海陵遷都于燕用黃麾仗一萬八百二十三

人攝官在內騎三千九百六十九分八節

第一節中道象二十二人

節級二人銅鑑七寶瑜石銀

- 服花脚幞頭青錦絡縫緋
祫衫金鍛銀雙鹿東帶 第一引七十二人清道一弁
緋雲鶴袍袴革 帽弩一赤平巾幘緋辟 誕馬二控四人
帶執黑漆杖 赤平巾幘緋
銀革帶 純綉寶相花衫
武弁緋繡雉大袖衫白袴 軺車一赤馬二駕士十八人
馬纓轡涼屨 銅面包尾 縣令一員朝服坐輦車 僉佐四員
並朝服 控馬八人錦帽絡縫紫
朱團扇一曲蓋 一緋抹額寶相花衫革帶袴 青衣二青平巾青衫袴
車輜棒二赤平巾緋白澤 告止幡二執者六人緋抹額寶相花

衫草帶袴傳教幡一信幡一各三人並黃抹額寶相花衫草帶大口袴小戟

十六上服同第二引二百六十四人清道二轡弩一誕馬

四控八人服並如前掤鼓一金鉢一平巾幘絳鸞衫大鼓六

抹額抹帶節一幢一麾一夾鞘二角四儀刀十並平巾幘

繩繡寶相花衫草車一赤馬四駕士二十五人武弁鮮大袖

銀草帶大口袴

勒帛馬

飾如前府牧一員朝服坐車僚佐四員控馬八人服並如前

鎗鼓

一簫二笳二笛一簈篥一並平幘絳寶相大橫吹一絳

紋袍袴抹帶

青衣四車輻棒四紫方傘一朱團扇四曲蓋

額抹帶

一告止幡二六人傳教幡二六人信幡二六人小戟四

十

服並如前

刀盾三十六

銀褐抹額寶相花衫銀革帶袴

弓矢二十六

錦帽青寶

相

花衫銀革帶袴

梢三十六

錦帽紫寶相花袍革帶袴

朱雀旗隊三十四人

折衝都尉三人

平巾幘紫辟邪衫革帶大口

擣

梢二

平巾幘

繡

寶相花

朱雀旗一五人

緋抹額寶花衫革帶大口

弩

六弓矢六梢十二

並平巾幘寶相花

龍旗隊七十二人

大將軍一人

朝服

引旗四人

黃抹額寶花衫

旗十二風伯

旗一雨師旗一雷公旗一電母旗一北斗旗一五星旗

五左右攝提旗二執夾共六十人

皆五色寶相花衫抹額革帶袴橫刀引夾

人加弓矢後凡執旗者並同

副竿二

錦帽黃寶花衫革帶袴

護旗四人

加黃抹額弓矢

太僕三車八十一人指南車駕士三十人

武弁緋絰繡孔雀大袖銀

禡記里鼓車駕士三十人

獮易大袖

鸞旗車駕士十八人

瑞鷹大袖駕車赤馬十二執黑杖者三人

牙門旗隊二十

八人分左右白澤旗二執夾各五人

綠貝冠人馬甲錦臂羈橫刀引夾加弓矢

金吾牙門旗第一門牙門旗四執夾十二人

青寶相花抹額衫革

帶大口袴橫刀監門校尉六人

長脚幞頭紺抹額獅子祫襠銀帶橫刀弓矢烏

皮靴後前部馬隊第一隊七十人折衝果毅都尉二人
隊同

錦帽緋辟邪袍袴角宿亢宿斗宿牛宿旗四旗各五人

革帶橫刀弓矢並五色寶相花衫抹額

革帶橫刀引夾加弓矢弩六弓矢十四並錦帽青寶相

衫白澤氏宿女宿房宿虛宿旗四旗五人弩六弓矢十四

褶二十八如服執前第三隊七十人折衝果毅都尉二人心

褶二十八如服執前第三隊七十人折衝果毅都尉二人心

宿危宿尾宿室宿旗四旗五人弩六弓矢十四褶二十

八如前服執

第二節金吾引駕騎二十人折衝都尉二人

平巾幘緋
辟邪衫革

帶袴橫
刀弓矢

弩六弓矢六稍六

並平巾幘緋寶相
花襍襍草帶袴

前部鼓吹

五百四十七人鼓吹令二人

長脚幞頭綠公服
角長脚幞頭綠公服

府史四

人

長脚幞頭綠寬衫角
帶黃絹半臂烏靴

部轄指揮使一人

平巾幘紫寶
相花衫革帶

錦騰

主帥四十八人

分五項平巾幘緋鸞
衫革帶袴執儀刀

擣鼓金鉦各

十二

平巾幘緋鸞衫銀
褐抹帶錦騰蛇

大鼓長鳴各百二十

黃雷花衫
抹額抹帶

銃鼓十二

緋芑紋衫
抹額抹帶

歌二十四拱辰管二十四簫二十

四笳二十四

服如鉦鼓
無騰蛇

大橫吹百二十

服如馬部第四
繞鼓

隊六十人分左右折衝都尉二人

紺
麟

箕宿壁宿旗各一

旗五人弩六弓矢十四梢二十八

服執並如前隊

第五隊六十

人折衝都尉二人奎宿井宿旗各一旗五人弩六弓矢

十四梢二十八

服執並如前隊

第六隊六十人折衝都尉二人

鷹

瑞

婁宿鬼宿旗各一旗五人弩六弓矢十四梢二十

八

服執並如前隊

第七隊六十人折衝都尉二人胃宿柳宿旗

各一旗五人弩六弓矢十四梢二十八

服執並如前隊

第八隊六十人折衝都尉二人昴宿星宿旗各一旗五人弩六

弓矢十四梢二十八

服執並如前隊

第九隊六十人折衝都尉

二人

赤豹袍

畢宿張宿旗各一旗五人弩六弓矢十四梢

二十八

服執同前

第十隊七十人折衝都尉二人

瑞馬袍

觜宿

翼宿參宿軫宿旗各一旗五人弩六弓矢十四梢二十

八

服執如前

步甲隊第一第二兩隊百一十人領軍衛將軍

二人

平巾紫白澤袍袴帶錦騰蛇橫刀弓矢

燭硝四

平巾幘緋賓相花袍大口袴

折衝

都尉四人

服如鶻雞

旗二貔旗二旗各五人朱牟甲弓

矢四十朱牟甲刀盾四十

兜牟甲身披膊錦臂韁行縢鞋鞬勒甲革帶

第三節中道前部鼓吹第二五百二十三人侍御在外節鼓

二笛二十四簫二十四箏二十四笳二十四桃皮簫

篥二十四

黑平巾幘緋對鸞衫

主帥二十六人

分四項草帶執

儀刀服如掲鼓金鉦各十二

黑平巾幘緋繡對鸞衫銀
勒帛大口袴錦騰蛇

小鼓百二十中鳴百二十

黃雷花袍袴

羽葆鼓十二

青

額抹帶歌二十四拱辰管二十四簫二十四笳二十四

絞袍抹帶

服如侍御史二員

朝服

黃麾幡一三人

武弁緋寶相花衫

銀褐勒帛大口袴

執者步步甲第三隊五十二人折衝果毅都尉二人

紫

服如侍御史二員

馬服

黃麾幡一三人

武弁緋寶相花衫

銀褐勒帛大口袴

執者步步甲第三隊五十二人折衝果毅都尉二人

紫

馬玉馬旗二旗五人青年甲弓矢四十服執並第四隊
袍

五十二人折衝果毅都尉二人瑞鷹三角獸旗二旗五

人青年甲刀盾四十第五隊五十二人折衝果毅都尉

二人白澤黃鹿旗二旗五人黑牟甲弓矢四十第六隊

五十二人折衝果毅都尉二人服飛鱗旗二旗五人黑

牟甲刀盾四十第七隊五十二人折衝果毅都尉二人

赤豹駄驥旗二旗五人銀褐牟甲弓矢四十第八隊五

十二人折衝都尉二人服鸞旗二旗五人銀褐牟甲刀

袍

盾四十第九隊五十二人折衝果毅都尉二人

瑞鷹麟

旗二旗五人黃牟甲弓矢四十第十隊五十二人馴象

旗二旗五人黃牟甲刀盾四十

服執如前

金吾牙門旗第二

門牙門旗四執夾十二人監門校尉六人

服執第一門同

左右

屯衛將軍二人

平巾幘紫飛麟袍大口袴

綉引幡二十

錦騰蛇革帶橫刀弓矢

執者六十人

武弁緋繡寶相花衫銀褐勒帛大口袴

共八十人

第四節中道六軍儀仗二百五十二人統軍六人

花脚幞頭

紫綉抹額孔雀袍革帶橫刀鞚器仗珂馬

都頭六人

長腳幞頭紫寶相花大袖革帶橫刀

神

龍軍旗二羽林軍旗二龍武軍旗二旗各五人

執人錦帽引夾

人金排欄旗四十八吏兵旗四力士旗四赤豹旗四黃

熊旗四龍君旗四虎君旗四掩尾天馬旗六旗一人

錦帽

五色寶相花衫

白算槍九十

並貼金帽頭五色寶相花衫抹額草帶汗巾

柯舒

二十四鑑杖十八

並貼金帽五色寶相花衫草帶

引駕龍墀隊六十五

人排仗通直二人排仗大將二人

並長腳幞頭紫公服紅鞋帶絲鞭烏皮靴

天王旗四十二辰旗各一旗一人

並錦帽五色寶相花衫草帶臂羈

天

下太平旗一五方龍旗五旗五人

執人錦帽引夾人貼金帽服並如上橫刀

弓矢君王萬歲旗一日月旗各一旗五人執人執人錦帽引失

前已見例御馬六十六人馬十六匹匹四人控馬三十二人貼金帽服執

花衫草帶夾馬三十二人帽青錦襖塗金銅束帶貼金幞紫寶相

阜管押騎御馬直人員一人廣武節級一人

阜帽紅錦襖

中道隊三十二人服同御馬

人大將軍一人朝服絲鞭日月合璧旗一苴紋旗二五星連

珠旗一祥雲旗二旗各五人服執見前例長壽幢一紳巾幘

大金吾細仗一百人青龍旗一白虎旗一五嶽

神旗五五方神旗五旗各四人銀褐阜抹額帶橫刀引並四色寶相花衫青黃口袴

夾如押旗二人長脚幞頭紫公服紅猩角帶烏皮靴五方龍旗各三五方

前

鳳旗各三旗一人並五色衫抹額草帶橫刀四瀆旗四旗五人並卑相

額草帶橫刀

五方龍旗各三五方

花衫抹額草帶黃麾前第一部二百七十二人殿中侍

橫刀引夾如前

黃麾前第一部二百七十二人殿中侍

御史二人朝服左右屯衛大將軍二人折衝都尉二人平中

橫刀弓矢

主帥二十人平巾幘緋寶相花衫草帶袴儀刀

憤紫飛麟袍草帶大口袴錦騰蛇橫刀弓矢

並青寶相

龍頭竿一百揭鼓六儀鍾斧二十小戟二十弓矢四十

朱縢絡刀盾二十稍二十錄縢絡刀盾二十並青寶相花衫抹額

抹帶行朱縢絡刀盾二十稍二十錄縢絡刀盾二十並青寶相花衫抹額第二部二百七十二人殿中侍御史二人左右

領軍衛大將軍二人折衝都尉二人

紫繡白澤袍

主帥二十

人龍頭竿一百揭鼓六儀錘斧二十小戟二十弓矢四

十朱縢絡刀盾二十稍二十綠縢絡刀盾二十

服並緋第

三部二百七十二人殿中侍御史二人左右屯衛大將

軍二人折衝都尉二人

紫瑞鷹袍

主帥二十人龍頭竿一百

揭鼓六儀錘斧二十小戟二十弓矢四十朱縢絡刀盾

二十稍二十綠縢絡刀盾二十

服並黃餘同上部

第五節中道八寶三百人舉士九十六人

平巾幘緋寶相花衫大口

袴塗金燭籠三十二服同
銀東帶大環銀腰帶行馬十六服同

官十六人弓脚幞頭碧襯衫金銅東
帶烏皮韃後四人執長刀符寶郎八人長脚

槐簡步導援寶三十二人人員二人武弁紫寶相花
杖長行三十人執黑漆杖衫草帶執黑漆

行馬案後金吾仗六方傘二大雅扇四服並同
十二人四色官四人長脚幞頭綠公服大口袴金銅腰

儀押仗二人長脚幞頭紫公服金甲二人披膊兜牟錢
刀紅鞋帶烏皮韃金甲二人弁錦臂韁勒

甲條進馬四人平巾紫犀牛衲襠金吾引駕四十九人千
草帶袴刀弓矢

牛將軍一人干牛十人郎將二人

並緋繡抹額紫犀牛
襍檔革帶大口袴橫

刀弓矢珂馬將軍平巾幘無抹

長腳幞頭綠

千牛郎將花脚幞頭餘同

長腳幞頭紫公服

帶袴烏引駕官四人

長腳幞頭紫公服

中雉扇十二人

傘二小雉扇四華蓋二香蹬一座八人大燎一二人

武弁

緋寶相花大袖腰輿人員什將三人

阜帽紅錦襖塗金
銀東帶人員執杖

長行十六人

奉脚幞頭紅錦
襖塗金銀腰帶

排列官二人

長腳幞頭
紫公服紅

鞋帶皮鞢

小輿二十四人

白成銀東帶

服同長行人逍遙輦人員什將

共十六人

阜帽塗金銀東帶紅錦方
練鶲人員執黑漆杖

長行二十六人

紅地

白獅錦襖塗金銀帶冠同

平輦人員什將十六人

阜帽紅錦團

輿輦

共一百三人 諸班開道旗隊一百七十七人開道旗

一子鐵甲兜年紅背 劍緋馬甲

阜纛旗十二旗一人

黑漆鐵笠阜皮人馬甲

引

駕六十二人

阜帽紅錦團 鐵人馬甲箭兵械骨朵

輔龍直一百二人

阜帽紅背子骨朵 鐵人馬甲

黃麾前第四部二百七十二人殿中侍

御史二人左右武衛大將軍二人折衝都尉二人主帥
二十人龍頭竿一百揭鼓六儀鎧斧二十小戟二十弓
矢四十朱縢絡刀盾二十梢二十綠縢絡刀盾二十
寶黃

相花衫餘並如前第一部

第五部二百七十二人

除左右驍衛大將軍與都尉服赤豹

袍龍竿以下服銀褐花衫餘名色並如前第二部

第六部二百七十二人

除將軍都

尉服瑞馬袍龍竿以下服牟花衫餘名色並如前第三部

第六節中道門旗隊一百二十三人騎執門旗四十五

方色龍旗十步執紅龍門旗六十麋旗一簇輦紅龍旗

八日月旗二麟旗一鳳旗一旗皆一人

並鐵甲兜牟紅錦襖紅背子馬

執者惟紅背子步
執門旗仍帶劒

金輶

皇太后乘之公主侍坐故在玉輶之前

擊鞭內侍十人

阜帽紅錦祫塗金銀

四人袖

赤平中幘緋繡對鳳大抹額赤袴鞋襪

擊鞭內侍十人

阜帽紅錦祫塗金銀

東駕頭下御床抱駕頭內侍一人長腳幞頭紫羅公
帶也

馬二人錦帽錦絡縫寬衫大珮銀腰帶廣武官十二人錦帽白成銀束帶襍茶酒

班執從物十一人水罐二香毬二唾盂一廝羅一手巾

一御椅三人踏床一阜帽碧錦團襍紅錦背子塗金銀束帶

拱聖直人員二人長行三十八人珍珠頭巾紅錦共百三十人

導駕官四十二人朝服從人八十四錦帽紫絡縫寬衫大珮銀腰帶伏劒

六人阜帽紅錦團襍紅錦背子鐵甲弓矢器械廣武把行門八人殿班把行

門三十五人服並如伏劒王輶帝后同乘太子陪坐駕士百二十八人

服如金格
惟用青色

千牛將軍一人刀於輶右

具裝執長

左右點檢二人金披

甲夾輶大將軍二人陪輶將軍二人並朝進輶職掌二

人長腳幞頭紫寬衫塗金銀腰帶

教馬官二人相花衫塗金銀腰帶

部押二人阜袍鐵甲紅

錦襖執骨朵

挾輶八人控踏路馬四人馬二

匹銅

人面如駕士共一百五十三人龍翔馬隊二十隊六

百二十人分左右每隊人員三人

阜帽鐵甲紅錦襖紅

馬殿侍二十八人

鐵甲紅錦背子弓矢器械甲馬

東第五班金槍六隊

每隊旗三人槍二十五人

內二十人佩弓矢

共一百六十八人

並裹鐵兜
年金槍

銀槍六隊每隊旗三人槍二十五人內二十
人佩弓

矢共一百六十八人

並裹鐵
笠銀槍

東第四班二隊每隊旗三

人弩二十五人共五十六人

鐵笠
兜年

神勇步隊七百人分

左右作四重每重人員十

阜帽紅錦圓襍
弓矢器械骨朵

長行六百六

十人並鐵兜
年甲內拱聖骨朵直一百六十四人拱聖槍直

一百六十四人內執子旗者
二人餘執槍拱聖弓箭直一百六十六

人弓矢器械
執骨朵拱聖弩直一百六十六人

鞘弩
鞘廣武骨朵

天劒三百一十人指揮使五人

紅錦襍
背子

都頭五人

紅襍
背

子并阜帽塗

金腰帶骨朵

二百人金鍍

銀花朱紅笠緋

對鳳寬襍

銀帶執銀花大劔

服已見前

青龍白虎隊五十二人果毅都尉二人青

十四人

服已見前青龍白虎旗一旗五人弩六人弓矢十四梢二十

服已見前

前見

第七節中道駕后輔龍直等二十一人拍板一簞篋十

五笛十四人員一人

長行三十人樂器自備並阜帽紅錦襍金束帶並馬人員執骨朵

扇筤二十五人執筤官一人控馬二人

服並如前例紅龍扇

二長脚幞頭紫公服

塗金銀束帶

廣武二十人

錦帽繡寬襍白成銀束帶索對鳳十領緋對鳳

十七寶輦輦士四十二人什將人員十六人

阜帽

盤裏幞頭紅錦四

錦圓襍

長

行二十六人

盤裏幞頭紅錦四

持鋸隊五十人旅帥二

人都尉

盤裏幞頭紅錦四

持鋸隊五十人旅帥二

小雉扇八紅羅繡華蓋一

武弁緋寶相花衫

朱團扇八

黃寶相真武幢一

阜寶相花衫

睥睨八

緋寶相

麾一幢一

紫

相花衫銀抹帶

後部鼓吹三百三十七人鼓吹從二人典士

四人部轄指揮使一人主帥十八人金鉉擣鼓各三羽

葆鼓十二歌二十四拱辰管二十四簫二十四笳二十

四節鼓二鎣鼓十二歌十六簫二十四笳二十四小橫

吹一百二十

青色絞袍抹額抹
帶餘並與前同

金吾牙門第三門牙門

旗四旗三人監門校尉六人

服執同
第一門

黃麾後第一部二

百七十二人第二部二百七十二人第三部二百七十

二人殿中侍御衛大將軍折衝都尉龍頭竿以下名色

並如前三部

第八節中道後部鼓吹第二百二十人笛二十四簫二

十四軍策二十四笳二十四桃皮軍策二十四

服並屬如前

車八牛二十四駕士八十人

武弁緋繡雲鶴大袖

黃鉞

車赤馬二駕士十五人

武弁緋對鷲大袖

銀褐抹帶天口袴

二駕士十五人

武弁緋立豹大袖

銀褐抹帶大口袴

玄武隊六十一人金

吾折衝都尉一人

平中幘紫辟邪袍革

帶袴騰蛇橫刀弓矢

火爆鞘二緋寶相

花衫草仙童旗一玄武旗一騰蛇旗一神龜旗一旗五

大帶

人服執如前例

稍十九弓矢十五弩四

平中幘緋寶相

花衫草帶袴

黃麾

後第四部二百七十二人第五部二百七十二人第六

部二百七十二人攝官名數服色並如前第四第五第六部
六部絳引幡二十執者六十人並武弁紺繡寶相花衫銀褐抹帶大口袴諸從駕官並於仗後陪從朝服不足者公服凡應乘馬者並同宋制

金史卷四十一



總校官舉人臣章維桓
校對官學錄臣常循
謄錄監生臣張彭齡